

# Ricordi de quand'emu piccin

Quand'emu piccin

e all'asilu andamu cun u cavagnin,  
u parricu Aragnu in gexa u pregava  
e dai passi da gexa u ne salüava.

In ta parrucchiale pe' e carreghe a Didda a cüggiva e palanche  
e tante a ne fava perchè poche ean e banche.

All'atoiu l'uffussiu u ou cantava u Nanin,  
e litanie in gexa u ei cantava u Drin  
che anche u sünava e campane  
pe' de bellu o de brüttu annunsiane.

Sciccumme pe' Badu ean finii i tempi belli,  
megu cundottu u l'ea Franceschelli.

Levatrice a l'ea a scia Luiggia  
che, o a purtava in masciu o a purtava inna figgia.

U Russellu, cioè u megu Tugin,  
u cüava i figgiö piccin.

A fa u beccalin,  
doppu u Stevetta, u gh'ea u Severin.  
Pe' nu scurdase a bellessa dell'ase,  
dau Ornagu u ritretu andamu a fase.

U Visensu da Sunta u l'ea u pustin,  
u Checcu da Bäffana u l'ea u spassin.

Se a San-a u serviva inna cummisciunetta,  
prunta u gh'ea a fala a Rusin du Drietta.

Fina au sabbu e dau lunedì,  
da Spôturnu a San-a e da San-a a chî,  
banastre, sestin, pacchi e pacchetti  
cun u caru i purtavan i Runcaletti.

U Beppin du Checchê u cüava i giardin,  
u tramballeru u ou guidava u Giuanin  
che, cun cari e cavalli in sà e in là u purtava  
tüttu quellu ch'u necessitava.

I cavalli u ei ferrava u Revellu  
ch'u fava anche a ferrâ e u cancellu.

U Pratu e u Brüggna favan u stagnin,  
l'elettricista u l'ea u Tugin.


U bancâ i ou favan u Ciletta, u Menotti e u Russettu.

U Giggin a fuxina u l'aveiva li dau Fussettu.

In tu muin du Salacca l'Angiolu u franseiva  
e fina all'ossu e òive u spreiveiva.

U Barbicri u fava e gazöse  
pe' Spôturno, Nôi, Berzezzi, Vessi, Tusse e Öze.

E scarpe i ei giüstavan u Carlettu, u Pippi,  
u Beppe, u Nicolla e u Scricchi.



L'Andrea, u Michelin e u Seprian ean i barbê,  
u Giulin du Drietta e a Rosa da Iside ean i mersê.  
Pe' de pan cattase a micchetta  
andamu dau Manuellu, dau Migliu o dâ Marietta.  
A carne a vendeivan u Cinfurnin,  
u Davidde e a Marinin.

Dâ Genia u giornale andamu a cattâ,  
dâ Ginetta a truvamu anche l'erbu da sâ.  
I megliu licuri, in bun caffè e ottimi vin  
purreimu güstali dau Vitturin.

Libbri e quaderni a i cattamu dâ Bina  
cun i pennin e u temperin pe' fâ a punta fina.

Furmaggi prusciuti e salamin  
i l'aveivan i Leporini e u Cin.

A latteria  
a gestiva a Maria.

A Lolla, a Mari, a Norma e a Lina  
ne favan cappottu, vesti e fadina.

U Benardin  
u vestiva ommi grandi e piccin.

U Gian Pettitti u vendeiva u carbun,  
a serröia e a sansa pe' u tannun.

Dau Pietru u gh'ea brichetti, tabaccu e sâ.

Sempre speciali ean e turte che a Nunzia a ne fava güstâ.

Quandê de stê emu asscidiê  
o anche sulu pe' allietasê u palato,  
dâ Ida andamu a cattaše u gelatu;  
in giu a vendilu cun u carrettu  
u gh'andava u Ninnettu.

U Bertuncini u vendeiva piatti, gotti e paiö,  
sappe, messuie e rattaiö.

L'agricultüa a Spòturnu a regnava  
e in sci-e quella Siritu u imperava.

Pe' u pan purreise quagnâ  
a furnaxe quarchedün u l'andava a louâ.

A carlevâ u Bastian du Ciurrê u ne fava cantâ.

Au venerdì santu andamu a renâ.

A maina i bagnanti

(ch'ean buin se nu ean tanti)

andavan au Siriu, au Cerüti, au Culumbu o au Premuda.

All'isua a gh'andamu a remmi e nù in Baracuda.

In ta banda sünavan vegi e zuenotti  
guidê dau Menotti.

A guardia, che Espositu a se ciammava,  
in lungu e in largu u pàise a giava.

U sciu Custansu u l'ea u Puistê;  
u banchettude früta e verdüa a stê



i l'aveivan a Nunzia da Sèra, a Russa, a Chiara du Passu e u Pentunà.

U mercòu du martedì u se fava

in ta ciassetta Matteotti che allua Rumma a se ciammava

e in sci-a stessa stessa ciassetta u gh'ea a farmacia

ch'a gestiva a scia Maria.

Au Premuda i ballavan.

Albergavan:

chi u Palace, u Miramare, u Rumma e a pensciun Famiglia gestiva,

Giurdan, a Carlotta, a madamma Loura, a scia Maria e a scia Oliva;

a Sisilietta a Risturava;

a scia Augusta pe' i figgiö a pensciunava.

U bar Sport u ou gestiva u Giuan Cerüti;

a sö passciun spurtiva a l'ha dêtu ottimi frúti.

Se de quarcosa e de quarchedün me fuise scurdá,

vüggeime scüsá.

Rosetta Rossello

